

經
傳
釋
詞

經傳釋詞序

經傳中實字易訓虛詞難釋顏氏家訓雖有音辭篇于古訓罕有發明賴爾雅說文二書解說古聖賢經傳之詞氣最爲近古然說文惟解特造之字如弓而不及假借之字如而爾雅所釋未全讀者多誤是以但知攸訓所而不知同迪攸與由同由迪古音相轉迪音當如滌音近也釋名但見言訓我而忘其訓閒爾雅言閒也雖以毛鄭之精猶多誤解何況其餘高郵王氏喬梓貫通經訓兼及詞氣苦聆其終風諸說每爲解頤乃勸伯申勒成一書今二十年伯申侍郎始刻成釋詞十卷元讀

之恨不能起毛孔鄭諸儒而其證此快論也元昔教浙
士解經曾謂爾雅坎律銓也爲散聿詮也字之訛辛楣
先生題之又謂詩鮮民之生書惠鮮鰥寡鮮皆斯之假
借字詩綱直如髮如當解爲而髮乃實指其髮與竝同非此語傳箋竝誤老
子夫佳兵者不祥之器佳爲佳同惟之說老子夫惟二字相連爲辭者甚
多若以爲佳則當云不祥之事不當云器若此之疇學者孰是書以求之當
不悖謬於經傳矣論語曰出辭氣斯遠鄙倍可見古人
甚重詞氣何況絕代語釋乎

嘉慶二十四年小寒日阮元書於贛州舟次

語詞之釋肇於爾雅粵于爲曰茲斯爲此每有爲雖誰
咎爲咎若斯之類皆約舉一隅以待三隅之反蓋古今
異語別國方言類多助語之文凡其散見於經傳者皆
可比例而知觸類長之斯善式古訓者也自漢以來說
經者宗尙雅訓凡實義所在旣明箸之矣而語詞之例
則略而不究或卽以實義釋之遂使其文扞格而意亦
不明如由用也猷道也而又爲詞之於若皆以用與道
釋之則尙書之別求聞由古先哲王大誥猷爾多邦皆
文義不安矣此舉一以例其餘後皆放此攸所也迪蹈也而又爲詞
之用若皆以所與蹈釋之則尙書之各迪有功豐水攸

同毛詩之風雨攸除鳧鼠攸去皆文義不安矣不弗也
否不也不大也而又爲發聲與承上之詞若皆以弗與
大釋之則尙書之三危旣宅三苗丕敘我生不有命在
天否則侮厥父母毛詩之否難知也有周不顯帝命不
時禮記之不在此位也皆文義不安矣作爲也而又爲
詞之始與及若皆以爲釋之則尙書之萬邦作乂作其
卽位皆文義不安矣爲作也而又爲詞之如與有與與
與於若皆以作釋之則左傳之何臣之爲晉語之稱爲
前世穀梁傳之近爲禍宮管子之爲臣外乎孟子之得
之爲有財皆文義不安矣又如如若也而又爲詞之而

與乃與當與與若如也而又爲詞之其與而與此與惟
曰言也而又爲詞之吹謂言也而又爲詞之爲與與與
如與柰云言也而又爲詞之有與或與然寧安也而又
爲詞之乃能善也而又爲詞之而與乃無不有也而又
爲詞之發聲與轉語有不無也而又爲詞之爲卽就也
而又爲詞之則與若與或則法也及至也而又爲詞之
若茲此也而又爲歎詞嗟歎詞也而又爲語助彼他也
而又爲詞之匪匪非也而又爲詞之彼咫尺八寸也而又
爲詞之只允信也而又爲詞之用終盡也而又爲詞之
旣多衆也而又爲詞之祇適徂逝皆往也而適又爲詞

之啻徂又爲詞之及逝又爲詞之發聲思念也居處也
夷平也一數之始也而又皆爲語助曷詞之何也而又
爲何不益何不也而又爲何於詞之于也而又爲爲爲
與爰詞之曰也而又爲與安詞之勇也而又爲乃爲則
爲於是勇詞之安也而又爲於爲是爲於是爲乃爲則
惟詞之獨也而又爲與爲及爲雖雖不定之詞也而又
爲惟矧詞之況也而又爲亦亦承上之詞也而又爲語
助且詞之更端也而又爲此之詞之是也而又爲於爲
其爲與凡此者其爲古之語詞較然甚著揆之本文而
協驗之他卷而通雖舊說所無可以心知其意者也引

之自庚戌歲入都侍大人質問經義始取尙書廿八篇
紬繹之而見其詞之發句助句者省人以實義釋之往
往詰竊爲病竊嘗私爲之說而未敢定也及聞大人論
毛詩終風且累禮記此若義也諸條發明意旨渙若冰
釋益復得所遵循奉爲稽式乃遂引而伸之以盡其義
類自九經三傳及周秦西漢之書凡助語之文徧爲按
討分字編次以爲經傳釋詞十卷凡百六十字前人所
未及者補之誤解者正之其易曉者則略而不論非敢
舍舊說而尙新奇亦欲窺測古人之意以備學者之采
擇云爾嘉慶三年二月一日高郵王引之敘

經傳釋詞第一

與

因

己

用

猶

允

由

於

繇

于

經傳釋詞第二

爰

安

曷

曷

曰

爲

吹音聿

謂

經傳釋詞第三

惟

亦

云

伊

有

夷

或

洪

抑

庸

一

台音飴

經傳釋詞第四

惡音易

歟

矣

耶

反以遮

遐

也

號

豪音

矣

曷

乎

益

俞

許

於

烏音

行

猗

況

噫

鄉

向音

嘻

汔

迄音

吁

經傳釋詞第五

孔

及

今

其

羌

其

懋

魚覲反

其

音記姬

言

居

宐

詎

可

固

幾

故

祈

顧

豈

苟

蓋

臯

厥

經傳釋詞第六

乃

當

寧

儻

能

始

徒

誕

獨

迪

柰

道

那

疇

都

經傳釋詞第七

而

耳

如

仍

若

聊

然

來

尔

今作爾

經傳釋詞第八

雖

作

一
合

六

肆

曾

自

曾

茲

𦵏

慘音

斯

哉

些

載

思

則

將

卽

且

𦵏

茲音

且

反子餘

𦵏

𦵏今作

徂

𦵏

紫音

經傳釋詞第九

終

適

誰

識

孰

屬

燭音

者

止

諸

所

之

矧

旃

爽

是

庶

時

尙

寔

逝

只

率

啻

式

祇

支音

經傳釋詞第十

彼

非

末

匪

蔑

無

比

罔

薄

微

不 毒

夫 勿
扶音

經傳釋詞第一

高郵王引之

與

鄭注禮記檀弓曰與及也常語也

與猶以也易繫辭傳曰是故可與酬酢可與祐神矣言
可以酬酢可以祐神也禮記檀弓曰殷人殯於兩楹之
閒則與賓主夾之也言以賓主夾之也玉藻曰大夫有
所往必與公士爲賓也言必以公士爲摯也義見中庸
上文中庸
曰知遠之近知風之自知微之顯可與入德矣言可以
入德也論語陽貨篇曰鄙夫可與事君也與哉言不可

以事君也

孔傳曰言不可與之事君皆非也下文患得患失皆言

鄙夫所以

不可事君之故非謂不可與鄙夫事君也後

漢書李法

傳法上疏諫坐失旨免為庶人還鄉里人問

其不合上

意之由法未嘗應對固問之法曰鄙夫可與

事君乎哉

苟患失之無所不至法之言如此是不說人

以無罪而

鄙夫自貶且自謂其不可以事君也然則

法之意亦

謂鄙夫不可以事君非謂不可以與鄙夫事君

明矣顏師

古匡謬正俗曰孔子曰鄙夫不可以事君也與

哉李善注

文選東京賦曰論語曰鄙夫不可以事君變

與言以正

與史記袁盎傳曰妾主豈可與同坐哉言不

經旨相合

可以同坐也漢書與貨殖傳曰智不足與權變勇不足

可以同坐

也漢書與貨殖傳曰智不足與權變勇不足

以決斷仁

不能以取子漢書楊雄傳曰建道德以為師

友仁義與

為朋文選羽獵賦與下有之字乃與亦以也

友仁義與

為朋文選羽獵賦與下有之字乃與亦以也

友仁義與

為朋文選羽獵賦與下有之字乃與亦以也

友仁義與

為朋文選羽獵賦與下有之字乃與亦以也

友仁義與

為朋文選羽獵賦與下有之字乃與亦以也

友仁義與

為朋文選羽獵賦與下有之字乃與亦以也

友仁義與

為朋文選羽獵賦與下有之字乃與亦以也

家大人曰與猶爲也

此爲字讀平聲

韓子外儲說左篇曰名與

多與之其實少言名爲多與之而其實少也而周策曰

秦與天下罷則令不橫行於周矣言秦爲天下所疲也

今本作秦與天下俱罷俱字乃後人不曉文義而妄加之辨見讀書雜誌秦策曰吳王夫差

棲越於會稽勝齊於艾陵遂與句踐禽於干隧言爲

句踐所禽也

家大人曰與猶爲也

此爲字讀去聲

孟子離婁篇曰所欲與之

聚之言民之所欲則爲民聚之也秦策曰或與中期說

秦王曰

鮑本如是姚本與作爲

言爲中期說秦王也楚策曰秦王

令平戊告楚曰毋與齊東國吾與子出兵矣言吾爲子

出兵也。又漢書高祖紀：漢王爲義帝發喪。漢紀爲作與家大人曰：與猶謂也。大戴禮：夏小正傳曰：獺獸祭魚，其必與之獸何也？曰：非其類也。與之獸，謂之獸也。來降燕乃睇室。今本脫室字，據傳文補。其與之室何也？操泥而就家，入人

內也。與之室，謂之室也。曾子事父母篇曰：夫禮，大之由

也，不與小之自也，不非也。與，謂也。言禮在由其大者，非

謂由其小者而已也。李善本文選報任少卿書曰：假令

僕伏法受誅，若九牛一毛，與螻蟻何以異？而世又不

與能外節者言。世人不謂我能外節也。漢書司馬遷傳作不與能外節。

若此，在臣本文選作不能與外節者，次比皆後人不曉文義而妄加增改，辯見前書雜志。

廣雅曰與如也大戴禮四代篇曰事必與食食必與位
無相越踰與如也言事必如其食食必如其位也晏子
春秋問篇曰正行則民遺曲行則道廢正行而遺民乎
與持民而遺道乎與亦如也言將正行而遺民乎如其
持民而遺道乎也墨子兼愛篇曰若大國之攻小國也
大家之亂小家也強之劫弱眾之暴寡詐之謀愚貴之
敖賤此天下之害也又與爲人君者之不惠也臣者之
不忠也父者之不慈也子者之不孝也此又天下之害
也又與今人之賤人執其兵刃毒藥水火以交相虧賊
此又天下之害也又與猶又如也襄二十六年左傳引

夏書曰與其殺不辜寧失不經

凡上言與其下言寧者放此

禮記檀

弓曰褻禮與其哀不足而禮有餘也不若禮不足而哀

有餘也祭禮與其敬不足而禮有餘也不若禮不足而

敬有餘也

凡上言與其下言不若者放此

與其皆謂如其也或但謂之

與晉語曰與余以狂疾賞也

宋本如是今本作是以狂疾賞也乃後人不曉文義

而妄

改之不如也孟子萬章篇曰與我處畎畝之中由是以

樂堯舜之道吾豈若使是君爲堯舜之君哉吾豈若使

是民爲堯舜之民哉呂氏春秋貴直篇曰與吾得革車

千乘也不如聞行人燭過之一言史記魯仲連傳曰吾

與富貴而詘於人寧貧賤而輕世肆志豈是也閏元年

左傳曰猶有令名與其及也王肅注曰雖去猶有令名

何與其坐而及禍也

見史記晉世家集解又後漢書荀爽傳傳曰截趾適屨孰云其愚何

與斯人追欲喪軀

何與猶何如也二年傳曰與其危身以速罪

也

音語作況其危身於狄以起

杜注曰言孰與危身以

召罪孰與猶何如也秦策曰秦昭王謂左右曰今日韓

魏孰與始強對曰弗如也王曰今之如耳魏齊孰與孟

嘗也耶之賢對曰弗如也齊策曰田侯召大臣而謀曰

救趙孰與勿救趙策曰趙王與樓緩計之曰與秦城何

如不與

今本不與下又有何如二字乃後人不曉文義而妄加之辨見讀書雜誌

是孰與即

何如也故司馬相如子虛賦楚王之獵孰與寡人乎郭

璞注曰與猶如也

與語助也僖二十三年左傳曰夫有大功而無貴仕其

人能靖者與有幾言能靖者有幾也

與語助也與有幾三字連讀釋文曰

其人能靖者與襄二十九年曰是盟也其與幾何

又昭元年

曰主民散歲而惕曰其與幾何又曰叔向問子皙於行

口弗堪也其與幾何又曰邵子矜其伐而恥國君言其

幾何也周語曰若壅其口其與能幾何言能幾何也

與辭晉語曰諸臣之委室而徒還者將與幾人言將幾

人也

華注與辭也

又昭十七年左傳曰其居火也久矣其與

不然乎言其不然乎也周語曰余一人其流辟於裔土

何辭之與有言何辭之有也晉語曰亾人何國之與有言何國之有也越語曰如寡人者安與知恥言安知恥也又孟子滕文公篇曰不由其道而往者與鑽穴隙之類也與字皆是語助無意義也

已 以 己

已或作以或作己鄭注禮記檀弓曰以與己字本同以語詞之用也書堯典曰以親九族是也常語也

漢書劉向傳注曰已由也大戴禮子張問入官篇曰忿數者獄之所由生也距諫者慮之所以塞也以亦由也此亦常語

玉篇曰以爲也詩瞻卬曰天何以刺言天何爲刺也凡經傳言何以若此者皆謂何爲若此也亦常語

以猶謂也禮記檀弓曰咎者吾有斯子也吾以將爲賢人也言吾謂將爲賢人也昭二十五年左傳曰公以告

臧孫臧孫以難告郈孫郈孫以可

釋文曰郈孫以可絕句勸勸公逐季

氏言臧孫謂難郈孫謂可也齊策曰臣之妻私臣臣之妻畏臣臣之客欲有求於臣皆以美於徐公言皆謂美於徐公也

廣雅曰以與也書般庚曰爾忱不屬惟胥以沈某氏傳曰相與沈溺詩江有汜曰不我以擊鼓曰不我以歸桑

柔曰不胥以穀儀禮鄉射禮曰主人以賓揖又曰各以
其耦進大射儀曰以耦左還箋注竝曰以猶與也禮記
檀弓曰吾未嘗以就公室注曰未嘗與到公室觀其行
也易鼎初六曰得妾以其子言得妾與其子也詩小明
曰神之聽之式穀以女言式穀與汝也箋訓以爲禮記
用失之郊特牲曰賓入大門而奏肆夏示易以敬也言示易與
敬也喪二十年左傳曰賦常棣之七章以卒言賦七章
與卒章也二十九年曰樂氏其以朱升降乎言與朱升
降也論語微子篇曰而誰以易之言誰與易之也詩江
有汜曰不我以不我與旻邱曰何其處也必有與也何

其久也必有以也

傳曰必以有功德失之

以亦與也古人自有複

語耳管子形勢篇曰訾訾之人勿與任大譏臣者可以遠舉顧憂者可與致道呂氏春秋樂成篇曰故民不可與慮化舉始而可以樂成功皆以與以互文故鄉射禮各以其耦進今文以爲與越語節事者與地史記越世家與爲以呂氏春秋精諭篇人可與微言乎淮南道應篇與爲以權勳篇不穀無與復戰矣說苑敬慎篇與爲以燕策得賢士與其國史記燕世家與爲以

以猶及也易小畜九五曰富以其鄰虞翻注曰以及也

泰六四謙六五並

日不富以其鄰泰初九曰拔茅茹以其彙言及其彙

也。否初六同。剝初六曰剝牀以足。六二曰剝牀以辨。六四曰

剝牀以膚。言及足及辨及膚也。復上六曰用行師終有

大敗以其國君。句凶。言及其國君也。王弼訓以爲用云。

君道失之此周語引湯誓曰余一人有罪無以萬夫言

無及萬夫也。

以猶而也。易泰六四曰不戒以孚猶繫辭傳言不疾而

速不行而至也。書牧誓曰俾暴虐于百姓以姦宄于商

邑。金縢曰天大雷電以風。隱九年左傳曰大兩霖以震。禮記樂記曰

治世之音安以樂亂世之音怨以怒亡國之音哀以思

大戴禮曾子制言篇曰富以苟不如貧以譽生以辱不

如夙以榮閔二年左傳曰親以無災又何患焉昭二十
年曰濟其不及以泄其過晉語曰狐偃惠以有謀趙衰
文以忠貞賈佗多識以恭敬吳語曰晉楚靈王不君其
臣箴諫以不入莊二十四年公羊傳曰戎眾以無義其證何注曰戎師多又常以無義爲事失之論語爲
政篇曰季康子問使民敬忠以勸如之何以字竝與而
同義易同人彖傳曰文明以健中正而應繫辭傳曰著
之德圓而神卦之德方以知禮記聘義曰溫潤而澤仁
也縝密以栗知也昭十一年左傳曰桀克有緒以喪其
國紂克東夷而隕其身以亦而也互文耳

己既也常語也

鄭注考工記曰己太也甚也亦常語也或作以文五年左傳胤曰以剛是也

爾雅曰己此也莊子齊物論篇曰己而不知其然謂之

道己字承上文而言言此而不知其然也養生主篇曰

己而爲知者殆而已矣言此而爲知者也郭象注曰己

知止又爲知以救之淮南道應篇曰己雖無除其患天

地之間六合之內可陶冶而變化也無不也言此雖不

除其患也此邵氏二雲說或作以禮記祭統衛孔悝之鼎銘曰

爵揚以辟之勤大命施於烝彝鼎以此也指上文而言

也辟君也言對揚此君之勤大命著之於烝彝鼎也

鄭讀

對揚以辟之爲句云辟明也言遂揚君命以明我先祖之德失之君命謂之勤大命猶雅語言文武勤教也鄭以勤大命爲行君之命亦失之此家大人說下同時義引詩曰大夫君子凡以

庶士亦言凡此庶士也

顏師古注漢書宣帝紀曰己語終辭也書洛誥曰公定

予往己禮記檀弓曰生事畢而鬼事始己盧植注曰己

者辭也

見通典禮六十四

己爲語終之詞則與矣同義連言之

則曰己矣論語曰始可與言詩己矣是也

學而八篇二篇猶乎

與哉同義而連言之則曰乎哉也

己歎詞也書大誥曰己予惟小子某氏傳曰己發端歎

辭也

漢書翟義傳作熙顏師古注曰熙歟辭

康誥曰己女惟小子又曰己

女乃其速由茲義率殺梓材曰己若茲監洛誥曰己女惟冲子莊子庚桑楚篇曰己我安逃此而可義竝同也

猶

禮記檀弓注曰猶尙也常語也

詩小星傳曰猶若也亦常語也字或作猷爾雅曰猷若也猶爲若似之若又爲若或之若禮記內則曰子弟猶歸器衣服裘衾車馬則必獻其上而後敢服用其次也鄭注曰猶若也襄十年左傳曰猶有鬼神於彼加之言若有鬼神也

猶、猶均也。物相若則均。故猶又有均義。襄十年左傳曰：從之將退，不從亦退。猶將退也。不如從楚，亦以退之。猶將退，均將退也。論語堯曰篇曰：猶之與人也。出內之吝，謂之有司。猶之與人均之與人也。燕策柳下惠曰：苟與人異，惡往而不黜乎？猶且黜乎？寧於故國爾。猶且黜，均將黜也。

詩陟岵曰：猶來無止。傳曰：猶可也。字或作猷。爾雅曰：猷可也。

由 猶 攸

廣雅曰：由，以用也。由以用一聲之轉。而語詞之用亦然。

見用字或作猶莊十四年左傳猶有妖乎正義曰古者字下

侯之不誅至今有紀者猶或作攸其義一也其作猶者

書盤庚曰先王有服恪謹天命茲猶不常寧猶猶用也

言先王敬謹天命茲用不敢常安也若安土重遷則是

曰今不承于古罔知天之鑒命也某氏傳訓猶無逸曰

為尙失之此家大人說詳見經義述聞下同古之人猶胥訓告胥保惠胥教誨言古之人用相訓告

相保惠相教誨也其作攸者禹貢曰彭蠡既豬陽鳥攸

居攸猶用也言陽鳥之地用是安居也林之奇尙書全

皆以陽鳥為雁猶疑之此篇所敘治水詳見於九州

之下者莫非地名此州上言彭澤下言三江震澤獨於

此三句中言雁非惟文勢不稱考之九州亦無此例也

地名取諸鳥獸如虎牛犬邱之類多矣左昭二十年公
如外鳥杜注衛地名又鄭有鳴雁在陳畱縣漢北邊有
雁門安知陽鳥之非地名乎案林說是也居宅也陽鳥
攸居猶言三危既宅耳陽鳥之地年代曠隔莫知所在
不得因此而謂其非地名也胡氏臆明乃以爲適當鴻
雁來賓之時卽所見而紀其事夫禹八年治水所見鳥
獸多矣倘卽所見而紀之則禹貢豈止區區數策哉胡
氏又曰陽鳥攸居與桑土既贛三苗丕敘一例不必以
爲地名案彼皆記治水之功雁之棲宿於禹積何與乎
雁名陽鳥書無明文說者誤以陽鳥爲鳥因附會彭蠡
既豬之文又牽合以鴻雁南翔之說耳其不足信亦明
矣原其所以誤者蓋但知爾雅有攸所也之訓以爲經
言陽鳥所居則所居者爲彭蠡而居之者爲水鳥矣不
知禹貢多以攸攸二字相對爲文攸猶用也言陽鳥之
地用是安居也與他又曰漆沮既從豐水攸同又曰九
處攸訓爲所者不同又曰漆沮既從豐水攸同又曰九
州攸同四隩既宅義竝同也洪範曰帝乃震怒不畀洪
範九疇彝倫攸斁又曰天乃錫禹洪範九疇彝倫攸敘

言彝倫用斃彝倫用敘也金縢曰予小子新命于三王
惟永終是圖茲攸俟言茲用俟也大誥曰予曷其不于
前寧人圖功攸終圖功大功也言曷不于前寧人大功
用終也上文曰敷前人受命茲不怠大功又曰不可不
成乃寧考圖功圖功即大功也寧考圖功即此
所謂前寧人圖功也傳訓圖為謀又曰予曷敢不于前
攸為所皆失之以下攸字竝同

寧人攸受休畢言曷敢不于前寧人用受休畢也洛誥
曰無若火始炎炎厥攸灼敘弗其絕言厥用灼也多士
曰亦惟爾多士攸服奔走臣我多遜言惟爾多士用服
奔走也無逸曰乃非民攸訓非天攸若言非民用訓非
天用若也詩蓼蕭曰萬福攸同宋教言萬福用同也箋

做所也失斯干曰風雨攸除鳥鼠攸去君子攸芟言風

雨用除鳥鼠用去君子用芟也又曰君子攸躋又曰君

子攸寧義竝同也楚茨曰報以介福萬壽攸酢言萬壽

用酢也絲曰通立冢土戎醜攸行言戎醜用行也械撲

曰奉璋戔戔髦士攸宜言髦士用宜也

儀禮士冠禮髦士攸宜義同

注攸所也亦失之

旱麓曰豈弟君子福祿攸降言福祿用降也

冕鬋福祿攸降同

靈臺曰王在靈囿麀鹿攸伏言麀鹿用伏也

文王有聲曰四方攸同王后維翰言四方用同也既醉

曰朋友攸攝攝以威儀言朋友用攝也泮水曰既作泮

宮淮夷攸服言淮夷用服也猶攸二字與山同聲而相

通皆語詞之用也。說經者見猶字則釋之爲尙，見攸字則釋之爲所，皆望文生訓而非其本指。而史記夏本紀宋世家於陽易攸居，豐水攸同，彝倫攸斃，彝倫攸敘，悉以所字代之。蓋古義之湮，由來久矣。

攸猶所以也。書洪範曰：我不知其彝倫攸敘。王肅注曰：

我不知常倫所以次敘。

此攸字與下文彝倫攸斃、彝倫攸敘異義。史記宋世家作我不

知其常倫所序亦失之。

大誥曰：予惟小子，若涉淵水，予惟往求朕

攸濟。某氏傳曰：往求我所以濟渡是也。

攸語助也。書盤庚曰：女不憂朕心之攸困，言不憂朕心

之困也。

某氏傳訓攸爲所失之下並同。

洪範曰：予攸好德，言予好德也。

史記作予所好德失之

又曰四曰攸好德言四曰好德也詩皇矣

曰執訊連連攸誠安安言執訊連連誠安安也

毛傳攸所也失

之攸皆語助耳字亦作猷盤庚曰女猷黜乃心無傲從

康言汝黜乃心也

傳訓猷為謀失之下同

又曰女萬民乃不生生

暨予一人猷同心言不與予一人同心也猷亦語助耳

繇由猷

爾雅曰繇於也繇由猷古字通

爾雅釋水釋文曰繇古由字莊十四年左傳正

義曰古者由猶二字義得通用猷即猶字也詩巧言秩秩大猷漢書敘傳作繇書康誥曰往敷

求于殷先哲王又曰別求聞由古先哲王由亦于也言

徧求聞於古先哲王也

別與徧古字通說見經義述聞

詩抑曰無易由

言箋曰由於也禮記雜記曰客使自下山路而鄭注曰
客給使者入設乘黃於大路之面詩君子陽陽篇左執
黃右招我由房疑亦
謂招我於房也傳曰山川也箋曰由從也皆於義未安
馬融本大誥王若曰大誥
繇爾多邦鄭王本繇作猷漢書翟義傳王莽做大誥曰
大誥道諸侯王蓋用爾雅繇道也之訓馬鄭王疏同釋以
文正義引之案大誥道爾多邦文義不順猷於也大誥
猷爾多邦者大誥於爾多邦也經文本白明白祇緣訓
猷爲道於義未安致令後人妄改其始改也升猷字於
誥字之上某氏傳曰順大道以告天下眾國是也其再
改也又升猷字於大字之上正義曰此本猷在大上是

也其他緣例而改者一、改而復脫者一、多士曰王曰猷告爾多士、多方曰王曰易猷猷告爾有多方、士傳竝曰以道告之、蓋俱是告猷而晚出古文改爲猷告矣、此緣例而改者也、多方曰王若曰猷告爾四國、多方傳曰順大道告四方、與大誥猷爾多邦傳同、則此句經文亦有大宗蓋初作大猷猷爾四國、多方後改爲大猷告爾四國、多方故解之以順大道告四方、其後則又脫大字矣、此改而復脫者也、大誥在多方前、其誥猷之文、馬鄭王必皆有說、學者雖不悟誥猷之誤爲猷誥、猶不得不載其異同、至多士多方告猷之義、已詳大誥不復再

釋學者斯忽焉不察矣然以例推之可得而知也後之說書者或以猷爲發語詞或以爲歎詞皆不知文由誤倒故多方推測而卒無一當也

因

因由也聲之轉也書禹貢曰而傾因桓是來常語也因猶也亦聲之轉也楚策曰王獨不見夫蜻蛉乎六足四翼飛翔乎天地之間俛啄螻蚱而食之仰承甘露而飲之自以爲無患與人無爭也不知夫五尺童子方將調飴膠絲加已乎四仞之上而下爲螻蟻食也夫蜻蛉其小者也黃雀因是已案已字絕句因是猶是也已語

終詞也言黃雀之自以爲無患亦猶之蜻蛉也下文曰夫黃雀其小者也黃鵠因是已夫黃鵠其小者也蔡聖侯之事因是已蔡聖侯之事其小者也君王之事因是已義竝與此同文選詠懷詩注引延篤戰國策論云因是已因事已復有是也所解雖未了而其以已字絕句甚明今本改已爲以而以黃雀因是以五字連下句讀之則義不可通矣下文皆放此

用

用詞之以也一切經音義七引蒼頡篇曰用以也以用一聲之轉凡春秋公羊傳之釋經皆言何以穀梁則或

言何用

桓十五年傳曰何用見其未易災之餘而嘗也餘放此

其實一也書泉陶

謨曰侯以明之撻以記之書用識哉用亦以也互文耳
用詞之山也詩君子陽陽傳曰由用也由可訓爲用用
亦可訓爲由一聲之轉也禮記禮運曰故謀用是作而
兵由此起用亦由也互文耳

用詞之爲也詩雄雉曰不忤不求何用不臧言何爲不
臧也節南山曰國既卒斬何用不監言何爲不監也莊
六年穀梁傳曰何用弗受亦謂何爲弗受也用以爲皆
一聲之轉故何以謂之何用何爲亦謂之何用互見以
爲二字下

允

家大人曰允猶用也

川亦語詞義見用字下

書堯典曰允釐百工

言用釐百工也

某氏傳曰允信也於文義未安下皆依此

皋陶謨曰允迪厥

德言用迪厥德也又曰庶尹允諧言庶尹用諧也

庶尹用諧

猶言神人以和周官大司樂疏引鄭注曰允信也文義未安

大誥曰允齎齔寡言用

勳齔寡也論語堯曰篇引堯曰允執其中言用執其中

也

包咸注曰允信也文義未安襄二十一年左傳引夏書曰念茲在

茲釋茲在茲名言茲在茲允出茲在茲言用出茲在茲

也

名言茲在茲允出茲在茲者謂發一言出一念必本之於己而後民從之故何釋之曰將謂由己壹也允

出茲在茲即出茲在茲允語詞耳非謂信出茲在茲也杜注訓允為信與文義不合或曰下文曰信由己壹而

後功可念也。非釋允爲信乎。曰：非也。上文曰：在上位者，
洒濯其心，豈以待人軌度其信，可明微也。而後可以治
人。故此復申之曰：信由己，豈而後功可念也。信字正承
軌度其信而言。非釋允字也。且信由己，豈云云，乃通釋
書詞。非專釋允出茲在茲一句也。哀六年傳曰：夏詩鼓
書曰：允出茲在茲，由己率常可矣。亦不以允爲信。詩鼓
鍾曰：淑人君子，懷允不怠，懷思也。言思之用不怠也。箋
懷至也。古者善人君子，至信不可怠失之。公劉曰：幽居允荒，言幽居川荒也。
箋曰：允，信也。考工記：栗氏量銘曰：時文思索，允臻其極。
文義未安。言川臻其極也。鄭注曰：允，信也。詩大明曰：聿懷多福。春秋
繁露郊祭篇引作允懷多福。此蓋出三家詩。班固明是
允爲語詞也。後人但知允之爲信，而不知其又爲語詞。
故訓釋多有未安。史記五帝本紀、夏本紀於允釐百工

允迪厥德庶尹允諧亦皆以信字代之蓋古義之失其傳久矣

允猶以也墨子明鬼篇引商書曰百獸負嵎允及飛鳥莫不比方言百獸負嵎以及飛鳥也以與用同義故允可訓爲用亦可訓爲以說文曰允從儿呂聲呂用允一聲之轉耳

允發語詞也詩時邁曰允王維后言王維后也又曰允王保之言王保之也允語詞耳武曰於皇武王無競維烈允文文王克開厥後允文與於皇對文則允爲語詞益明泮水曰允文允武允亦語詞猶逸書言乃神乃武

乃文耳

見呂氏春秋論大篇

箋皆訓允爲信失之

於

廣雅曰於于也常語也亦有於句中倒用者書酒誥曰

人無於水監當於民監猶言無監於水當監於民也傳

九年左傳曰入而能民土於何有言何有於土也

凡言於何

有者昭十九年左傳曰其一二父兄私族於謀而立長

親言私謀於族也

杜注曰於私族之謀立親之長者文義未安

又曰諺所謂

室於怒市於色者楚之謂矣言怒於室而色於市也

於猶在也

見呂氏春秋賢篇高注

易繫辭傳曰易之興也其於中

古乎禮記曲禮曰於外曰公於其國曰君是也此亦常

語

於猶之也。昭四年左傳曰：「於不暇。」又何能濟言「於」之
不暇也。十年曰：「王貪而無信，唯蔡於感。」言唯蔡之恨也。
於與之同義，故於訓爲之，之亦訓爲於，互見之字下。

於猶爲也。

此爲字
讀平聲

禮記郊特牲曰：「埽地而祭，於其質也。」

又曰：「祭天，埽地而祭，於其質而已矣。」皆謂爲其質不

爲其文也。大戴禮曾子本孝篇曰：「如此而成於孝子也。」

言如此而後成爲孝子也。曾子事父母篇曰：「未成於弟。」

也。言未成爲弟也。

弟讀孝
弟之弟

文六年穀梁傳曰：「閏月者，附

月之餘日也。積分而成於月者也。言成爲月也。孟子離

婁篇曰寇至則先去以為民望寇退則反始於不可言

始為不可也荀子正論篇曰是特姦人之誤於亂說以

欺愚者而淖陷之今本淖譌作潮據楊注改誤謬也見說文於為也

淖溺也楚辭七諫世沈淖而難論兮王注曰淖溺也言姦人謬為亂說以欺

愚者而溺陷之也楊倞注曰姦人自誤或於亂說因以欺愚者猶於泥淖之中陷之失之矣

於與為同義故姚本東周策夫秦之為無道也秦策楚

亦何以軫為忠乎鮑本為並作於史記張儀傳韓梁稱

為東藩之臣趙策為作於

於猶為也此為字讀去聲老子曰故貴以身為天下若可寄天

下愛以身為天下若可託天下莊子在宥篇作故貴以

身於天下則可以託天下愛以身於天下則可以寄天

下於天下卽爲天下也

今本作故貴以身於爲天下愛以身於爲天下此後人依老子

勿記爲字而寫者因誤合之也老子釋文爲于僞反而莊子釋文無爲字以是明之此家大人說

於猶如也昭三年左傳曰今嬖寵之喪不敢擇位而數

於守適言數如守適也

杜注曰不敢以其位卑而令禮數如守適夫人

莊子大

宗師篇曰陰陽於人不翅於父母翅與帝同言不啻如

父母也

秦誓曰不啻如自其口出

秦策曰君危於累卵而不壽於朝

生言危如累卵不壽如朝生也燕策曰且非獨於此也

言非獨如此也故漢書韓長孺傳匈奴至者投壑高如

城者數所新序善謀篇如作於

於語助也。易繫辭傳曰：於稽其類。書堯典曰：黎民於變。

時維。

於變與時維對文。於字釋文無音。蔡沈以為歎美辭。非是。

又曰：於予擊石拊石。

釋文曰：於如字。或音烏而絕句者非。

詩靈臺曰：於仞魚躍。

於字釋文無音。

又曰：於

論鼓鍾於樂辟廱。

釋文於音烏。鄭如字。正義述毛亦如字。今從正義。

下武曰：於

萬斯年。離曰：於薦廣牡。

釋文於鄭如字。王音烏。正義述毛亦如字。今從正義。

是也。

於發聲也。左氏春秋定五年：於越入吳。杜注曰：於發聲。

正義曰：夷言有此發聲是也。

於是者承上之詞。常語也。又隱四年左傳曰：於是陳蔡。

方睦於衛。此於是亦承上之詞。而其義不同。猶言當是。

時也。桓五年傳曰：於是陳亂。國人分散。故再赴。僖十五。

年傳曰於是展氏有隱隱焉義竝同也

于

爾雅曰于於也常語也亦有於句中倒用者詩崧高曰四國于蕃四方于宣言蕃于四國宣于四方也又曰謝于誠歸亦言誠歸于謝也見箋

爾雅曰于曰也曰古讀若聿字本作吹或作曰或作聿說見吹字下聿于一聲之轉黃鳥于飛詩葛覃黃鳥聿飛也于

以采蘋

采蘋

聿以采蘋也

聿於亦一聲之轉故傳曰于於也箋曰于以猶言往以與毛異

義非也若訓于為往則下文于以用之及采蘋之于以盛之于以湘之于以奠之皆義不可通至擊鼓之于以求之則鄭亦穀旦于逝東門言穀旦聿差穀

訓為於矣

穀旦于逝

東門

言穀旦聿差穀

旦聿逝也。王子與師。

秦無衣。

王聿興師也。王子出征。

六月。王

聿出征也。于疆于理。

漢江

聿疆聿理也。

于聿皆語詞。猶絲之通疆通理也。箋

訓于爲往。亦失之。

聿曰古字通。故爾雅訓于爲曰也。箋解穀旦

于差穀旦于逝曰朝日善明曰栢擇矣朝日善明曰往矣解王于出征曰王曰令女出征獵狁則是以爾雅之于曰也爲論語子曰之曰失其指矣。

于猶乎也。其在句中者常語也。亦有在句末者管子山

國軌篇曰不籍而贍國爲之有道于。

宋本如是。今本于譌作予。

于猶

乎也。呂氏春秋審應篇曰然則先生聖于高注曰于乎也。列子黃帝篇曰今女之鄙至此乎釋文曰乎本又作

于莊子人間世篇曰不爲社者且幾有翦乎釋文曰乎崔本作于是也又爲歎美之詞論語爲政篇孝乎惟孝釋文及漢石經乎竝作于是也

于猶爲也

此爲字讀平聲

詩定之方中曰定之方中作于楚宮

揆之以日作于楚室正義曰作爲楚邱之宮作爲楚邱之室張載注魏都賦引詩作作爲楚宮作爲楚室儀禮士冠禮曰宜之于假鄭注曰于猶爲也聘禮記曰賄在聘于賄注曰于讀曰爲昭十九年公羊傳曰賊未討何以書葬不成于弑也言不成爲弑也史記秦始皇紀曰請刻于石表墜于常式言墜爲常式也三王世家封

齊王策曰惟命不于常褚少孫釋之曰惟命不可爲常
于猶爲也此爲字讀去聲孟子萬章篇曰惟茲臣庶女其于予
治于爲也爲助也趙注曰惟念此臣眾女故助我治事
是也

于猶如也易繫辭傳曰易曰介于石不終日貞吉介如
石勇寧用終日斷可識矣是介于石卽介如石也故漢
書汲黯傳愚民安知市買長安中而文吏繩以爲闕出
財物如邊關乎史記如作于于與於古字通故兩字皆
可訓爲爲亦皆可訓爲如互見於字下

于猶是也詩出車曰玁狁于夷玁狁于夷言玁狁是夷

玃狁是夷也猶言戎狄是

于猶越也與也連及之詞夏小正傳曰越于也廣雅曰

越與也書大誥曰大誥猷爾多邦越爾御事王莽傲大

誥作大告道諸侯王三公列侯于女卿大夫元士御事

是連及之詞曰越亦曰于也康誥曰子弗祇服厥父事

大傷厥考心于父不能字厥子乃疾厥子于弟弗念天

顯乃弗克恭厥兄兄亦不念鞠子哀大不友于弟言子

之不孝與父之不慈與弟之不恭兄之不友也某氏傳曰於為

人父於為又曰告女德之說于罰之行行道也言告汝

德之說與罰之道也傳曰告汝施德之說於罰之所行失之洛誥曰四方

迪亂未定于宗禮亦未克救公功迪將其後當以四方
迪亂未定爲句于宗禮亦未克救爲句公功迪將其後
爲句爾雅曰亂治也方言曰迪正也四方迪亂猶言亂
正四方見微子篇于越也言四方正治未定越宗禮亦未克
安也公功迪將其後者上文曰公功斐迪篤下文曰公
功肅將祇歡與此竝以公功發句此文之相符者也上
文公功言斐迪下文公功言肅將此公功言迪將此義
之相合者也舊讀失之矣多方曰時惟爾初不克敬于
和則無我怨于與也言不能敬與和也上文曰爾惟和哉又曰亦則以
穆穆在乃位穆穆敬也故此言爾不能敬與和則無我怨傳曰不能敬于和道亦失之

經傳釋詞第一

經傳釋詞第二

高郵王引之

爰

爾雅曰爰于也。又曰爰於也。于與於同義。書盤庚曰。綏爰有眾。是也。詩擊鼓曰。爰居爰處。爰喪其馬。于以求之。于亦爰也。互文耳。

爾雅曰。爰曰也。曰與吹同字。或作聿。

說見吹字下。

聿爰一聲。

之輒爰有寒泉。

詩凱風。

聿有寒泉也。爰伐琴瑟。

定之方中。

聿伐

琴瑟也。爰得我所。

碩鼠。

聿得我所也。爰及矜人。

鴻鴈。

聿及矜

人也。爰有樹檀。

鶴鳴。

聿有樹檀也。爰其適歸。

四月。

聿其適歸。

也

蟋蟀曰歲
聿其莫

爰方啟行

公

聿方啟行也爰眾爰有聿眾

聿有也聿曰古字通以上七詩鄭箋皆用爾雅爰日也之訓是也而多釋爲論語子曰之日則失其指矣繇之詩曰爰始爰謀爰契我龜日止日時曰亦爰也互文耳又曰爰及妻女聿來胥宇爰與聿亦互文

張衡思元賦舊注曰爰於是也詩斯干日爰居爰處爰笑爰語公劉日于時處處于時廬旅于時言言于時語語爰卽于時也于時卽於是也或訓爲于或訓爲於或訓爲日或訓爲於是其義一也

玉篇曰爰爲也書洪範曰水曰潤下火曰炎上木曰曲

直金曰從革土爰稼穡曰與爰皆爲也互文耳史記宋世家作

土曰稼穡又見曰字下

爰猶與也家大人曰書顧命曰大保命仲桓南宮毛俾

爰齊侯呂伋以二千戈虎賁百人逆子釗于南門之外

爰與也言使仲桓南宮毛與呂伋共迎康王也某氏傳曰使桓

毛二臣各執干戈於齊侯呂伋索虎賁百人又曰伋爲天子虎賁氏皆未解爰字之義而曲爲之說爰于

粵一聲之轉故三字皆可訓爲於亦皆可訓爲與互見

于粵二字下

粵越

爾雅曰粵于也又曰粵於也字亦作越夏小正曰越有

小旱傳曰越子也于猶今人言於是也詩東門之枌曰穀旦于逝越以釀邁越亦于也互文耳

爾雅曰粵曰也曰與吹同字亦作聿

說見吹字下

聿越聲相

近書高宗彤日曰越有雉雉言聿有雉雉也夏小正曰越有小旱言聿有小旱也聿亦於是也聿曰古字通故爾雅訓粵爲曰也

越猶惟也書大誥曰越予小子言惟予小子也

詩閔予小子曰

維予又曰越予冲人言惟予冲人也

金縢曰惟予冲人弗及矧

廣雅曰越與也書大誥曰大誥猷爾多邦越爾御事又曰肆予告我友邦君越尹氏庶士御事又曰爾庶邦君

越庶士御事又曰義爾邦君越爾多士尹氏御事又曰
肆哉爾庶邦君越爾御事是也周書越字與與字同義者甚多大誥一篇而外
不能偏引

越猶及也書召誥曰惟四月既望越六日乙未言自既
望及乙未六日也下文曰惟丙午朏越三日戊申亦謂
自丙午及戊申三日也後皆放此

越若亦及也召誥曰越若來三月來至也見爾雅言及至

三月也越若來三月為句惟丙午朏為句某氏讀越若來為句傳曰於順來失之說見經義述聞下

文曰若翼日乙卯又曰越翼日戊午是越與若皆及也

若與及本同義說見若字下連言之則曰越若矣漢書律厯志引武

成篇曰粵若來二月

逸周書世倅篇同

義與此同

亦越者承上起下之詞書立政曰亦越成湯亦越文王武王是也

曰

說文云曰詞也廣雅云曰言也此常語也有一人之言而自爲問荅者則加曰字以別之若論語陽貨篇云懷其寶而迷其邦可謂仁乎曰不可好從事而亟失時可謂知乎曰不可兩曰不可皆陽貨之言說見四書釋地孟子告子篇云爲是其智弗若與曰非然也是也有非問荅而亦加曰字以別之者語更端也若禮記檀弓云公瞿然失席曰是

寡人之罪也。曰：寡人嘗學斲斯獄矣。論語憲問篇云：曰：今之成人者何必然？微子篇云：曰：吾老矣，不能用也。孟子公孫丑篇云：曰：管仲曾西之所不爲也，而子爲我願之乎？是也。此述古語既畢而更及今事也。呂氏春秋驕之乎是也。恣篇李悝述楚莊王之言畢則云：曰：此霸王之所憂也，而君獨伐之，其可乎？文義與此同。

曰：猶爲也，謂之也。若書洪範：一曰水，二曰火，三曰木，四曰金，五曰土之屬是也。故桓四年穀梁傳：一爲乾豆，二爲賓客，三爲充君之庖，公羊傳爲作曰：

𠂔音聿 聿 通 曰

說文曰：𠂔，詮詞也。字或作聿，或作通，或作曰。其實一字。

也。毛鄭詩考正曰：文選注。

江賦

引韓詩薛君章句云：聿辭

也。春秋傳引詩聿懷多福。

左傳昭二十六年

杜注云：聿，惟也。皆

以爲辭助。詩中聿曰邇三字互用。禮記引詩聿追來孝。

禮今詩作邇。七月篇曰：爲改歲。釋文云：漢書作聿。角弓

篇見。見曰消。釋文云：韓詩作聿。劉向同。傳於歲聿其莫。

釋之爲遂。於聿脩厥德。釋之爲述。箋於聿來胥宇。釋之

爲自。於我征聿至。聿懷多福。邇駿有聲。邇求厥寧。邇觀

厥成。邇追來孝。並釋之爲述。今考之皆承明上文之辭

耳。非空爲辭助。亦非發語辭。而爲遂爲述爲自。緣辭生

訓。皆非也。說文：吹，詮詞也。從欠。從曰。曰亦聲。引詩吹求

厥寧然則吹蓋本文同聲假借用曰聿適三字引之案
考正說是也班固幽通賦聿中蘇爲庶幾兮曹大家注

曰聿惟也漢書敘傳作吹詩中多借用曰字如曰至渭

陽渭曰爲改歲曰殺羔羊七月我東曰歸東曰歸曰歸宋

其湛曰樂曰既醉止是曰既醉賓之見初筵見角見引曰嬾

于京大明曰止曰時予曰有疏附予曰有先後予曰有奔

奏予曰有禦侮錄昊天曰明昊天曰旦板曰嘽厥風刊

曰求厥章載見皆當讀爲歲聿其莫之聿故曰爲改歲漢

書食貨志引作聿見見曰消釋文引韓詩作聿荀子非

相篇漢書劉向傳引詩亦作聿曰嬾于京爾雅釋親注

引作聿予曰有奔奏予曰有禦侮楚辭離騷王注引作

聿曰零厥國釋文引韓詩作聿曰求厥章墨子尙賢篇

引作聿而鄭箋於我東曰歸則云我在東山常曰歸也

案我東曰歸言我自東山而于歸也鄭說失之於曰歸曰歸歲亦莫止則云曰

女何時歸乎亦歲晚之時乃得歸也案曰歸曰歸猶於言于歸于歸

見覲曰消則云至日將出其氣始見人則皆稱曰雪今

消釋矣

案見覲曰消韓詩作嘒嘒聿消云嘒嘒日出也荀子作晏然聿消聿於也言日出則雪於是消

釋也

作曰於口止曰時則云曰可止居於是也案時亦止者借字耳

於口止曰時則云曰可止居於是也案時亦止時猶言爰居爰處占人自有複語耳爾雅爰曰也上言爰始爰謀下言曰止曰時互文也詳見經義述聞於

予曰有疏附四句則云文王之德所以至然者我念之

曰此亦由有疏附先後奔奏禦侮之臣力也

案予者指文王而言

猶大明之言維予侯興也言文王能興其業於是有疏附先後奔奏禦侮之臣也

於昊天曰明

昊天曰旦則云昊天在上人仰之皆謂之明

案昊天曰明昊天曰

旦猶言昊天惟明昊天惟旦日與事同故曹大家云聿惟也

蓋未達假借之義而經

文遂詰竊為病矣

安案

易同人正義曰安猶何也顏師古注漢書吳王濞傳曰

安勇也宣十二年左傳曰暴而不戢安能保大猶有晉

在勇得定功所違民欲猶多民何安覈安覈亦何也互

文耳

安猶於也大戴禮用兵篇曰古之戎兵何世安起安猶

於也何世於起言起於何世也

此倒句也安易聲相近墨子非命篇曰何書易

存文義與此同魏策曰君其自爲計且安歟乎安生乎安窮乎

安貴乎言於歟於生於窮於貴也

鮑彪注問何所安失之

安猶於是也乃也則也字或作案或作焉其義一也其

作安者吳語曰王安挺志一日惕一日阻以安步王志

言王乃寬志以行疾徐如意也

韋注曰挺寬也惕疾也阻徐也步行也又

曰王安厚取名而去之言王乃厚取名而去之也老子

曰往而不害安平太言往而不害乃得平泰也管子大

匡篇曰必足三年之食安以其餘脩兵革言有三年之

會乃以其餘脩兵革也

尹知章以安字絕句注曰有三
年會然後可安失之此家大人

說下

內業篇曰精存自生其外安榮言精生於中其外

乃榮也

尹注訓安
為靜失之

山國軌篇曰民衣會而繇

與係同

下安

無怨咎言下乃無怨咎也又地員篇曰其陰則生之植

聚其陽安樹之五麻安與則相對為文安亦則也言其

陽則樹之五麻也

今本安上又有則字乃後
人不曉文義而妄加之

又曰其山

之淺有龍與斥羣木安逐安於是也爾雅曰逐彊也言

羣木於是彊盛也

尹注以安為
和易失之

又曰羣藥安生又曰羣

藥安聚又曰羣木安逐鳥獸安施墨子尚賢篇曰若飢

則得食寒則得衣亂則得治此安生生安猶乃也言如

此乃得生生也非樂篇曰然卽

卽與則同墨子則字多作卽

當爲之

撞巨鍾擊鳴鼓彈琴瑟吹竽笙而揚干戚民衣會之財

將安可得而具乎卽我以爲未必然也言衣會之財將

於是可得而具也荀子勸學篇曰上不能好其人下不

能隆禮安特將學雜識志

志卽識字也識志二字當衍其一

順詩書而

已耳安猶則也言旣不能好其人又不能隆禮則但學

雜識順詩書而已也

楊倞注曰安語助或作安或作案荀子多用此字禮記三年問作覲

戰國策

謂趙王曰秦與韓爲上交秦禍案移於梁矣秦

與梁爲上交

秦禍案攘於趙矣呂氏春秋吳起謂商文

曰今日置質爲臣其主安重釋辭官

仲尼篇曰委然

其主安輕蓋當時人通以安爲語助
成文以示之天下而暴國安自化矣言暴國於是自化

也又曰文王誅四武王誅二周公卒業至於成王則安

無誅矣言至於成王則於是無誅也

今本安下有以字乃後人不曉文義

而妄加之大略篇曰至成康則案無誅已是其證

王霸篇曰身不能不知恐懼

而求能者安唯便僻左右親比己者之用言於是唯便

僻左右是用也又曰先義而後利安不鄙親疏不鄙貴

賤唯誠能之求言於是不鄙親疏貴賤而但求能者也

正論篇曰德明威積海內之民莫不願得以爲君師然

而暴國獨侈安能誅之能猶乃也

安勇聲相近能乃聲相近安能卽楚詞之

勇字能字互見言海內莫不服從而暴國獨侈然自大於

是乃誅之也又曰於是勇桀紂羣居而盜賊擊奪以危

上矣。安禽獸行，虎狼貪故脯巨人而炙嬰兒矣。安亦於是也。互文耳。呂氏春秋執一篇曰：今日置質爲臣，其主安重。今日釋璽辭官，其主安輕。言有是臣，則主爲之重；無是臣，則主爲之輕也。魏策曰：犀首得見齊王，因久坐。

句

安從容談言犀首見齊王而久坐，於是從容與王談

也。其作案者，逸周書武寤篇曰：約期于牧，案用師旅，言約期於牧野，於是用師旅也。荀子榮辱篇曰：故先王案爲之制禮義以分之，言於是制禮義也。王制篇曰：權謀傾覆之人退，則賢良知聖之士案自進矣，言於是自進也。臣道篇曰：是案曰是非，案曰非，言是則曰是非，則曰

非也。正論篇曰：今子宋子案不然，言今子宋子則不然。

也。

荀子中川案字者甚多，今不具載。

趙策曰：秦與韓為上交，秦禍案移

於梁矣。言秦禍於是移於梁也。又曰：秦按攻魏，言秦於

是攻魏也。

按：與案同。下文君按救魏，秦按為義，義並與此同。今本作秦按兵攻魏，兵字乃後人所加。

辯見韻書雜志。其作勇者，見勇字下。

安勇也。然也。荀子榮辱篇曰：俄則屈安窮矣。言屈勇窮

也。屈勇窮貌也。

楊注曰：安，語助。猶言屈然窮矣。

勇

顏氏家訓音辭篇曰：諸字書勇字，勇名，或云語詞，皆音於愆反。自葛洪要用字苑，分勇字

音訓。若訓何訓安，當音於愆反。於勇逍遙，於勇

嘉客。勇川侯。勇得仁之類。是也。若送句及助詞

當音矣。愆反。故稱龍嚴。故稱血勇。有民人勇。有

社稷。勇託始。勇爾。晉鄭。勇依之類。是也。案禮記

三年問先王爲之立中制節荀子禮論篇勇
作矣安於一聲之轉則助詞之勇亦可讀於愆
反不必訓何訓安而後讀於愆反也或讀矣愆
反者方俗語有輕重而義則無分也今仍從古
讀

玉篇曰勇語己之詞也常語也

廣雅曰勇安也論語子路篇皇侃疏曰勇猶何也亦常
語

勇狀事之詞也與然同義若詩小弁曰愁勇如擣書秦
誓曰其心休休勇之類是也亦常語

勇比事之詞也亦與然同義若大學引秦誓曰其如有
容勇之類是也亦常語

勇猶乎也。詩杜杜曰：嗟行之人，胡不比勇。儀禮喪服傳曰：野人曰：父母何算勇？禮記檀弓曰：子何觀勇？隱元年左傳曰：君何患勇？周語曰：先王豈有賴勇？莊三十二年公羊傳曰：君何憂勇？論語子路篇曰：又何加勇？是也。又昭三十二年左傳：運速衰序，於是勇在。莊子秋水篇：於是勇河伯欣然自喜，勇字亦與乎同義。

勇猶也也。昭三十二年左傳曰：民之服勇，不亦宜乎？莊元年公羊傳曰：於其出，勇使公子彭生送之，於其乘勇，搯榦而殺之。定四年曰：於其歸勇，用事平河，是也。禮記檀弓曰：子夏曰：先王制禮而弗敢過也。子張曰：先王制

禮不敢不至焉。焉猶也耳。

焉猶於也。哀十七年左傳曰：裔焉大國。句滅之將亡裔。

還也。焉於也。言還於大國將見滅而亡也。

此顧氏寧人誤杜注既失

其句而又失其韻無庸置辯

宣六年公羊傳曰：勇士入其大門則無

人焉。門者入其閨則無人焉。閨者何？注曰：焉者於也。是

無人於門閨守視者也。

下文上其堂則無人焉。注曰：但言焉絕語辭。堂不設守視人故

不言焉堂者。今木正文作則無人門焉者。則無人閨焉

者。注中焉堂者亦作堂焉者。皆後人不曉文義而妄乙

之。此段氏

若庸說。孟子盡心篇曰：人莫大焉無親戚君臣上下

言莫大於無親戚君臣上下也。

焉猶是也。玉篇曰：焉是也。詩防有勗巢曰：誰俯予美。心

勇切切言心是切切也巧言曰往來行言心勇數之言
心是數之也隱六年左傳曰我周之東遷晉鄭勇依周
語作晉鄭是依襄三十年曰安定國家必大勇先言必
大是先也昭九年曰使偪我諸姬入我郊甸則戎勇取
之言郊甸之地戎是取之也正義曰勇猶何也若不由
晉則戎何得取周之地也
失吳語曰今王播棄黎老而孩童勇比謀言孩童是比
謀也

勇猶於是也乃也則也聘禮記曰及享發氣勇盈容言
於是盈容也於是猶乃也則也禮記月令曰命舟牧覆舟五覆
五反乃告舟備具于天子天子勇始乘舟薦鮪于寢

廟言天子於是始乘舟也

今本勇字在乃告舟備具于天子下唐石經同家大人曰

勇字本在始乘舟之上呂氏春秋季春篇作乃告舟備具于天子天子勇始乘舟高注曰勇猶於也自冬至此

於是始乘舟淮南時則篇及高注竝同宋書禮志引蔡氏章句曰陽氣和緩鮪魚時至將取以薦寢廟故因是

乘舟禋於名川也勇因聲相近因是二字正釋勇字也後之校月令者不知勇訓爲於遂移勇字於上句之末

校呂氏春秋者又依誤本月令於上句末增入勇字唯下句勇字未刪則以高注訓勇爲於故也淮南作乃告

具於天子無勇字月令之晉語曰盡逐羣公子乃立奚文亦無以勇字絕句者

齊勇始爲令國無公族勇言於是始爲令也墨子魯

問篇曰公輸子自魯南游楚勇始爲舟戰之器言於

是始爲舟戰之器也山海經大荒西經曰夏后開上三

嬪于天得九辯與九歌以下此天穆之野高二千仞開

勇始得歌九招

今本始字在得字下亦後人不曉文義而妄乙之

言於是始得

歌九招也此皆古人以勇始二字連文之證又祭法曰

壇壇有禱

句勇祭之無禱乃止言有禱則祭之也

家大

勇字下屬爲句勇祭之與乃止相對爲文

三年問曰故先王勇爲之立中制

節言先王於是爲之立中制節也

荀子禮論篇勇作安勇安古字通亦通作

案說見

又曰勇使倍之故再期也言於是使倍之也

鄭

安字下又曰勇使倍之故再期也言於是使倍之也

鄭鄉飲酒義曰勇知其能和

樂而不流也又曰勇知其能弟長而無遺矣又曰勇知

其能安燕而不亂也皆言於是知其能如此也

三勇字

不屬上讀上文衆寶自入及不酢而降句末皆無勇字是其證正義以勇字上屬失之此劉氏端臨說

大

戴禮王言篇曰七教脩句勇可以守三至行句勇可以

征言乃可以守乃可以征也家語作然後可以守然後可以征曾子制

言篇曰有知句勇謂之友無知句勇謂之主言有知則

謂之友無知則謂之主也齊語曰五家爲軌軌爲之長

十軌爲里里有司四里爲連連爲之長十連爲鄉鄉有

良人句勇以爲軍令軍令軍長也言於是以爲軍長也

家大人曰勇字屬下讀不屬上讀上文里有司下無勇字是其證韋注良人鄉大夫也本在良人下今本移置

於勇字下非吳語王孫雒曰吾道路悠遠必無有二命句勇

可以濟事言必無有二命乃可以濟事也山海經大荒

南經曰雲雨之山有木名曰檲羣帝勇取藥言羣帝於

是取藥也老子十七章二十三章竝云信不足句勇有

不信言信不足於是有不信也信今本作信不足勇有不

曉文義而妄加之管子幼官篇曰勝無非義者句勇可

以爲大勝言勝無非義者乃可以爲大勝也揆度篇曰

民財足則君賦斂勇不窮言賦斂乃不窮也墨子親士

篇曰分議者延延而支苟二字有誤者詬詬句勇可以長生

保國言如是乃可以長生保國也兼愛篇曰必知亂之

所自起句勇能治之不知亂之所自起則不能治言知

亂之所自起乃能治之也非攻篇曰天乃命湯於鐸宮

用受夏之大命湯勇敢奉率其眾以鄉有夏之境言湯

既受天命乃敢伐夏也又曰王既已克殷成帝之來分
主諸神祀紂先王通維四夷而天下莫不賓句禹襲湯
之緒言武王乃襲湯之緒也列子天瑞篇曰其在於
也則之於息句禹反其極矣言既往於息乃反其極也
莊子則陽篇曰君爲政句禹勿鹵莽治民句禹勿滅裂
言爲政則勿鹵莽治民則勿滅裂也荀子非相篇曰面
長三尺句禹廣三寸言面長三尺乃其廣僅三寸也議
兵篇曰若赴水火入禹焦沒耳言入乃焦沒也又曰凡
人之動也爲賞慶爲之則見害傷禹止矣言見害傷乃
止也又曰其所以接下之百姓者無禮義忠信句禹慮

率用賞慶刑罰執詐險阨其下獲其功用而已矣言無

禮義忠信以接下乃慮率用賞慶刑罰執詐而已也

傷

注曰勇慮無慮猶言大凡也案勇猶乃也慮率皆謂大

凡也漢書賈誼傳慮也不帝制而天下自爲者顏師古

注慮大計也楚辭離騷曰馳椒邱且焉止息言且於是止息

也九章曰焉洋洋而爲客又曰焉舒情而抽信兮義竝

與於是同又離騷曰皇天無私阿兮覽民德焉錫輔九

辯曰國有驥而不知乘兮焉皇皇而更索義竝與乃同

又招魂曰巫陽焉乃下招曰言巫陽於是下招也

家大人曰

招魂曰巫陽對曰掌殿上帝其難從若必筮予之恐後

謝之不能復用王注曰謝去也巫陽言如必欲先筮問

求魂魄所在然後與之恐後世怠懈必去卜筮之法不

能復脩用下文巫陽焉乃下招曰注曰巫陽受天帝之

命因下招屈原之魂據此則不能復用爲句巫陽乃下招曰爲句明矣乃者語詞猶言巫陽於是下招耳王注曰因下招屈原之魂因字正釋乃二字今本皆以不能復用巫陽爲句非也不能復用者謂不用卜筮非謂不用巫陽且用字古韻若庸與從字爲韻遠遊若以不用巫陽連讀則既失其義而又失其韻矣篇曰乃逝以俳佻列子周穆王篇曰乃迺觀日之所入此皆古人以乃乃二字連文之證又案僖十五年左傳晉於是乎作爰田晉於是乎作州兵晉語作乃作輟田乃作州兵西周策君何患乃史記周本紀作君何患於是是乃與於是同義莊八年公羊傳曰吾將以甲午之日然後祠兵於是管子小問篇曰且臣觀小國諸侯之不服者唯莒於是是於是與乃同義荀子禮論篇三

者偏亡

何

焉無安人史記禮書焉作則老子第十三章

故貴以身爲天下則可寄天下淮南道應篇引此則作
焉是焉與則亦同義後人讀周秦之書但知焉爲絕句
之詞而不知其更有他義於是或破其句或倒其文而
禮記國語公羊老子楚辭山海經諸書皆不可讀矣
焉爾猶於是也隱二年公羊傳曰託始焉爾何注曰焉
爾猶於是也

爲

爲曰也桓四年穀梁傳曰一爲乾豆二爲賓客三爲充
君之庖公羊傳爲作曰是也

爲猶以也。詩十月曰：胡爲我作，不卽我謀。隱元年公羊傳曰：曷爲先言王而後言正月？四年穀梁傳曰：何爲貶之也？論語先進篇曰：由之瑟，奚爲於某之門？高誘注：呂氏春秋期賢篇曰：於猶在也。言由之瑟，何以在我之門也。胡爲曷爲，何爲奚爲，皆言何以也。隱三年公羊傳曰：先君之所爲，不與臣而納國乎？君者，僖十年穀梁傳曰：里克所爲弑者。趙策曰：所爲見將軍者，皆言所以也。故史記楚世家曰：秦之所爲重王者，魯仲連傳曰：秦所爲急圖趙者。秦策趙策竝作所以爲，猶用也。桓六年左傳曰：在我而已。大國何爲言大國何用也？吳語曰：危事不可以爲安，外事不可以爲生，則

無爲貴智矣、言無用貴智也、成七年穀梁傳曰、雩不月而時、非之也、冬無爲雩也、言無用雩也、

爲猶將也、孟子梁惠王篇曰、克告於君、君爲來見也、趙注曰、君將欲來是也、史記盧綰傳曰、盧綰妻子亡降漢、會高后病不能見、舍燕邸爲欲置酒見之高后、竟崩不得見、言高后將欲置酒見之、會高后崩不得見也、衛將軍驃騎傳曰、驃騎始爲出定襄、當單于、捕虜、虜言單于東乃更令驃騎出代郡、言始將出定襄後更出代郡也、家大人曰、爲猶如也、假設之詞也、晉語叔向曰、荊若襲我是自背其信而塞其忠也、爲此行也、荊敗我、諸侯必

叛之

爲猶如也言如此行也而蒞敗我則諸侯必叛之也今本無爲字乃後人不曉古義而妄刪之據宋

明道

管子戒篇曰夫江黃之國近於楚爲臣外乎君必

歸之楚而寄之

爲猶如也臣管子自謂也言如臣外則君必歸江黃於楚也尹知章注曰二國

豈爲齊臣而外乎非是

列子說符篇曰孫叔敖戒其子曰爲我外

王則封女女必無受利地

呂氏春秋異寶篇同

呂氏春秋長見篇

曰臣之御庶子鞅願王以國聽之也爲不能聽勿使出

境

魏策同韓子內儲說篇曰王甚喜人之掩口也爲見王

必掩口

楚策同

顯學篇曰今之新辯濫乎率予而世主之

聽眩乎仲尼爲悅其言因任其身則勇得無失乎秦策

曰中國無事於秦則秦且燒炳獲君之國中國爲有事

於秦則秦且輕使重幣而事君之國也。又曰：爲我葬必以魏子爲列。

上爲字如也。

又曰：是楚與三國謀出秦兵矣。秦

爲知之，必不救也。趙策曰：魏使人因平原君請從於趙。

三言之，趙王不聽。出遇虞卿曰：爲入，必語從韓策曰：韓

爲不能聽我。

鮑本如此。姚本作縱韓爲不能聽我。非是。辯見讀書雜誌。

韓之德王也。

必不爲鴈行以來，爲能聽我，絕和於秦。秦必大怒，以厚

怨於韓。又曰：料大王之卒，悉之不過三十萬，爲除守徼

亭障塞，見卒不過二十萬而已。史記宋世家曰：今誠得

治國，國治身外不恨，爲外終不治，不如去。凡言爲者，皆

如也。

爲猶使也亦假設之詞也孟子離婁篇曰苟爲不畜終身不得又曰苟爲無本其凋也可立而待也告子篇曰苟爲不熟不如美稗莊子人間世篇曰苟爲不知其然也孰知其所終皆言苟使也

家大人曰爲猶於也莊二十二年左傳曰竝于正卿釋文曰于本或作爲于於古字通西周策曰君不如令樊邑陰

合爲秦

鮑本如是姚本爲字依史記作於

史記孟嘗君傳爲作於晉語

曰稱爲前世韋注曰言見稱譽於前世是爲卽於也又僖二十年穀梁傳曰謂之新宮則近爲禍宮言近於禍宮也晏子雜篇曰爲其來也臣請縛一人過王而行言

於其來也、秦策曰、朝爲天子

鮑本朝上增一字非是、辯見讀書雜誌

言朝

於天子也、竹書紀年曰、秦穆公帥師送公子重耳、圍令狐、桑泉自衰皆降爲秦師、言降於秦師也、

爲猶則也、莊子寓言篇曰、與己同則應、不與己同則反、同於己爲是之、異於己爲非之、爲亦則也、

家大人曰、爲猶與也、管子戒篇曰、自妾之身之不爲人持接也、尹知章注曰、爲猶與也、孟子公孫丑篇曰、不得不可以爲悅、無財不可以爲悅、得之爲有財、古之人皆用之、言得之與有財也、齊策曰、犀首以梁爲齊戰於承匡而不勝、言以梁與齊戰也、韓策曰、嚴仲子辟人因爲

聶政語言與聶政語也韓詩外傳曰寡人獨爲仲父言而國人知之何也言獨與仲父言也史記淳于髡傳曰豈寡人不足爲言耶言不足與言也李斯傳曰斯其猶人哉安足爲謀言安足與謀也

家大人曰爲猶有也孟子滕文公篇曰夫滕壤地褊小將爲君子焉將爲野人焉趙注曰爲有也雖小國亦有君子亦有野人也又曰夷子憮然爲閒注曰爲閒有頃之閒盡心篇曰爲閒不用則茅塞之矣注曰爲閒有閒也晏子外篇曰孔子之不逮舜爲閒矣爲閒亦有閒也故莊子大宗師篇曰莫然有閒釋文曰本亦作爲閒

又傳三十三年左傳曰秦則無禮何施之爲言何施之

有也

漢書張湯傳曰何厚葬爲漢紀作何厚葬之有

成二年傳曰臣治煩去惑

者也足以伏外而爭今二子者君生則縱其惑外又益

其後是棄君於惡也何臣之爲言何臣之有也

杜注曰若言何

用爲臣

十二年傳曰若讓之以一矢禍之大者其何禍

之爲言何禍之有也

桓六年左傳曰其何禍之有

昭元年傳曰諸侯

之會衛社稷也我以貨免魯必受師是禍之也何衛之

爲言何衛之有也十三年傳曰國不競亦陵何國之爲

言何國之有也又曰若曰無罪而惠免之諸侯不聞是

逃命也何免之爲言何免之有也周語曰余敢以私勞

變前之大章以忝天下其若先王與百姓何何政令之

爲也言何政令之有也

韋注曰何以復臨百姓而爲政令乎失之

晉語曰若

有違質教將不入其何善之爲言何善之有也

韋注言不能使

善失

又曰今范中行氏之臣不能匡相其君使至於難

君出在外又不能定而棄之則何良之爲言何良之有

也楚語曰若於目觀則美繙於財用則匱是聚民利以

自封而瘠民也胡美之爲言胡美之有也又曰君而討

臣何讎之爲言何讎之有也又曰若夫白珩先王之玩

也何寶之爲

宋明道本作何寶之寶房乃爲字之誤上篇胡美之爲宋本爲誤作頁卽其證今本

作何寶豈刪去之字尤非

言何寶之有也孟子滕文公篇曰夫夷子

信以爲人之親其兄之子爲若親其鄰之赤子乎言有
若剽其鄰之赤子也盡心篇曰何不使彼爲可幾及而
日華華也言使彼有可幾及也

家大人曰爲猶謂也宜二年穀梁傳曰趙盾曰天乎天

乎予無罪孰爲盾而忍弑其君者乎言孰謂盾忍弑其

君者也

公羊傳曰趙盾曰吾不弑君誰謂吾弑君者乎
是其證范注訓爲爲作失之辯見經義述聞

孟子公孫丑篇曰管仲曾西之所不爲也而子爲我願

之乎言子謂我願之也告子篇曰爲是其智弗若與

爲與

謂同義趙注曰爲是謂其智
不如也分爲與謂爲二失之曰非然也言謂是其智弗

若也又曰書曰享多儀儀不及物曰不享惟不役志于

享爲其不成享也言書之所言謂其不成享也禮記文

王世子曰父在斯爲子君在斯謂之臣

爲下當有之字
窮者脫去耳准

南詮言篇曰動而爲之生外而謂之窮說苑臣術篇曰
從命利君爲之順從命病君爲之諛逆命利君謂之忠
逆命病君謂之亂爲之謂之互用是其例
也孔穎達不能釐正而曲爲之說非是爲猶謂也

子天地篇曰四海之內其利之之爲悅其給之之謂安

讓王篇曰君子通於道之謂通窮於道之謂窮今某抱

仁義之道以遭亂世之患其何窮之爲之爲猶之謂也

故其何窮之爲呂氏春秋慎人篇作何窮之謂大戴禮

記文王官人篇曰此之爲考志也逸周書官人篇爲作

謂莊二十二年左傳曰是謂觀國之光史記陳世家

謂作為墨子公輸篇曰宋所為無雉兔鮒魚者也宋策
為作謂

為語助也禮記曾子問篇正義引一解曰為是助語大戴禮記五帝德篇曰

夫黃帝尙矣女何以為句先生難言之女何以為絕句

也言黃帝之事遠矣汝何用問也先生難言之自為一句史記五帝紀贊曰百家言黃帝其文不雅馴薦紳先生難言之義本於此也王肅作家語乃用其文而改之曰上世黃帝之間將謂先生難言之故乎則既失其義

而又失其句矣又四代篇及論語子張篇竝曰無以為也以用

語助大戴禮記曰公曰請問民徵子曰無以為也難行

言無用問也論語曰叔孫武叔毀仲尼子貢曰無以為也言無用毀也皇侃論語疏曰使無以為皆襄十七年

左傳曰是之不憂而何以田為二十二年傳曰兩行何

以聖爲昭二十八年傳曰三代之亡其子之廢皆是物

也女何以爲哉

以用也言女何用是物哉爲語助

晉語曰將何治爲楚

語曰亡人得生又何不來爲定十年穀梁傳曰何爲來

爲

下爲字語助

論語顏淵篇曰何以文爲

皇侃疏曰何必用於文章乎是爲爲

語助也邢昺正義曰何用文章乃爲君子非是

子路篇曰雖多亦奚以爲

以爲也

語助言誦詩雖多亦何用也皇侃疏曰亦何所爲用哉失之

季氏篇曰何以伐爲

也言何用伐也

孟子滕文公篇曰惡用是觥觥者爲哉萬章篇

曰我何以湯之聘幣爲哉莊子逍遙遊篇曰奚以之九

萬里而南爲

以用也之是也言何用是九萬里也

又曰予無所用天下爲

楚詞漁父篇曰何故淡思高舉自令放爲荀子議兵篇

曰然則又何以兵爲呂氏春秋異寶篇曰今我何以子之千金劍爲乎韓子說林篇曰奚以薛爲趙策曰君何以疵言告韓魏之君爲皆是也

謂

家大人曰謂猶爲也

此爲字讀平聲

易小過上六曰是謂災眚

詩賓之初筵曰醉而不出是謂伐德是謂猶是爲也莊二十二年左傳是謂觀國之光史記陳杞世家作是爲是其證也又僖五年傳曰一之謂甚其可再乎言一之爲甚也昭元年曰此之謂多矣若能少此吾何以得見言此之爲多也十年曰佻之謂甚矣而壹用之二十一

年曰登之謂甚吾又重之周語曰守府之謂多胡可與

也晉語曰八年之謂多矣何以能久義竝同也又大戴

禮少閒篇曰何謂其不同也

元本如是明本皆改謂作為失之

韓詩外

傳曰何謂而泣也淮南人閒篇曰國危而不安患結而

不解何謂貴智

吳語曰危事不可以為安外事不可以為生則無為貴智矣

竝與何

為同義楚策曰人皆以謂公不善於富摯與以為同義

故說苑君道篇則何為不具官乎晏子春秋問篇為作

謂呂氏春秋精諭篇胡為不可淮南道應篇為作謂漢

書英布傳胡為廢上計而出下計史記為作謂為謂一

聲之轉故為可訓訓訓亦可訓為互見為字下

家大人曰謂猶爲也

此爲字讀去聲

史記魯仲連傳曰所謂貴

於天下之士者爲人排患釋難解紛亂而無取也所謂

所爲也鹽鐵論憂邊篇曰有一人不得其所則謂之不

樂謂之爲之也故呂氏春秋恃君篇凡吾所爲爲此者

趙策所爲作所謂史記蕭相國世家上所爲數問君者

漢書爲作謂周本紀請爲王聽東方之變東周策爲作

謂大戴禮朝事篇曰禮樂謂之益習德行謂之益脩

高安

朱氏本改兩謂字作爲失之

天子之命爲之益行謂亦爲也互文耳

家大人曰謂猶與也史記鄭世家曰晉欲得叔詹爲僂

鄭文公恐不敢謂叔詹言言不敢與叔詹言之也漢書

高祖紀高祖乃書帛射城上與沛父老史記與作謂與
謂亦一聲之轉故與可訓謂謂亦可訓與互見與字下
家大人曰謂猶如也柰也齊策曰雖惡於後王吾獨謂
先王何乎高注曰謂猶柰也漢書禮樂志郊祀歌曰徧
觀是邪謂何晉灼注曰謂何當如之何也如之何卽柰
之何也詩行露曰豈不夙夜謂行多露謂猶柰也言豈
不欲夙夜而行柰道中多露何哉謂何而但曰謂猶柰何而但曰柰也淮南
兵略篇曰唯無形者無可柰也楊雄廷尉箴曰惟虛惟
殺人莫予柰柰卽柰何也正義以以爲二字代謂字未
合語北門曰天實爲之謂之何哉言柰之何也箋曰謂
意
勤身以事君節南山曰赫赫師尹不平謂何言師尹爲
何哉失之

政不平其柰之何也

箋曰謂何猶云何也正義曰汝居位爲政不平欲云何乎未合語意

僖二十八年左傳曰救而棄之謂諸侯何言柰諸侯何

也

成十六年曰若諸侯何若亦柰也

成二年曰以師伐人遇其師而還

將謂君何言將柰君何也

傳十五年曰將若君何

十七年曰君實

有臣而殺之其謂君何言其柰君何也魏策曰殺之也

之無謂天下何內之無若羣臣何若亦柰也言無柰天

下何無柰羣臣何也史記孝文紀曰是重吾不德也謂

天下何言柰天下何也

索隱曰言何以謂於天下失之

謂與如若柰竝

同義史記禮書曰孝文以爲繁禮飾貌無益於治躬化

謂何耳謂何如何也言禮貌不足恃但問躬化如何耳

儒林傳曰爲治者不逐
多言顧力行何如耳

經傳釋詞第三